

四庫全書

史部

欽定四庫全書

明史卷三百二十六

大學士張廷玉等奉敕修

列傳第二百一十四

外國七

古里

柯枝

小葛蘭

大葛蘭

錫蘭山

榜葛刺

沼納模兒

祖法兜

木骨都束

不刺哇

竹步

阿丹

刺撒

麻林

忽魯謨斯

溜山

比刺

孫刺

南巫里

加異勒

甘巴里

急蘭丹

沙里灣泥

底里

千里達

失刺比

古里班卒

刺泥

夏刺比
彭加那

奇刺泥
八可意

窟察泥
烏沙刺踢

拾刺齊
坎巴

阿哇
打回

白葛達

黑葛達

拂蘇

意大里亞

古里西洋大國西濱大海南距柯枝國北距狼奴兒國
東七百里距坎巴國自柯枝舟行三日可至自錫蘭山
十日可至諸蕃要會也永樂元年命中官尹慶奉詔撫
諭其國賚以綵幣其酋沙米的喜遣使從慶入朝貢方

物三年達南京封為國王賜印誥及文綺諸物遂比年
入貢鄭和亦數使其國十三年偕柯枝南淳利甘巴里
滿刺加諸國入貢十四年又偕瓜哇滿刺加占城錫蘭
山木骨都東溜山南渤利不刺哇阿丹蘇門答刺麻林
刺撒忽魯謨斯柯枝南巫里沙里灣泥彭亨諸國入貢
是時諸蕃使臣充斥於廷以古里大國序其使者於首
十七年偕滿刺加十七國來貢十九年又偕忽魯謨斯
等國入貢二十一年復偕忽魯謨斯等國遣使千二百

人入貢時帝方出塞敕皇太子曰天時向寒貢使即令
禮官宴勞給賜遣還其以土物來市者官酬其直宣德
八年其王比里麻遣使偕蘇門答刺等國使臣入貢其
使久留都下正統元年乃命附瓜哇貢舟西還自是不
復至其國山多地瘠有穀無麥俗甚淳行者讓道道不
拾遺人分五等如柯枝其敬浮屠鑿井灌佛亦如之每
旦王及臣民取牛糞調水塗壁及地又煨為灰抹額及
股謂為敬佛國中半崇回教建禮拜寺數十處七日一

禮男女齋沐謝事午時拜天於寺未時乃散王老不傳
子而傳甥無甥則傳弟無弟則傳於國之有德者國事
皆決於二將領以回回人為之刑無鞭笞重者斷手足
輕者罰金珠尤重者夷族沒產勒獄不承則置其手指
沸湯中三日不爛即免罪免罪者將領導以鼓樂送還
家親戚致賀富家多植椰子樹至數千其嫩者漿可飲
亦可釀酒老者可作油糖亦可作飯幹可搆屋葉可代
瓦殼可製杯棬可索絢煨為灰可鑲金其他蔬菓畜產

多類中國所貢物有寶石珊瑚珠琉璃瓶琉璃枕寶鐵
刀拂郎雙刃刀金繫腰阿思模達塗兒氣龍涎香蘇合
油花氍單伯蘭布苾布之屬

柯枝或言即古盤盤國宋梁隋唐皆入貢自小葛蘭西
北行順風一日夜可至永樂元年遣中官尹慶齋詔撫
諭其國賜以銷金帳幔織金文綺綵帛及華蓋六年復
命鄭和使其國九年王可亦里遣使入貢十年鄭和再
使其國連二歲入貢其使者請賜印誥封其國中之山

帝遣鄭和齋印賜其王因撰碑文命勒石山上其詞曰
王化與天地流通凡覆載之內舉納於甄陶者體造化
之仁也蓋天下無二理生民無二心憂戚喜樂之同情
安逸飽煖之同欲奚有間於遐邇哉任君民之寄者當
盡子民之道詩云邦畿千里惟民所止聲域彼四海書
云東漸於海西被於流沙朔南暨聲教訖于四海朕君
臨天下撫治華夷一視同仁無間彼此推古聖帝明王
之道以合乎天地之心遠邦異域咸使各得其所聞風

嚮化者爭恐後也柯枝國遠在西南鉅海之濱出諸蕃
國之外慕中華而歆德化久矣命令之至拳跼鼓舞順
附如歸咸仰天而拜曰何幸中國聖人之教沾及於我
乃數歲以來國內豐穰居有室廬食飽魚鼈衣足布帛
老者慈幼少者敬長熙熙然而樂凌厲爭競之習無有
也山無猛獸溪絕惡魚海出奇珍林產嘉木諸物繁盛
倍越尋常暴風不興疾雨不作札沴殄息靡有害菑蓋
甚盛矣朕揆德薄何能如是非其長民者之所致歟乃

封可亦里為國王賜以印章俾撫治其民并封其國中
之山為鎮國之山勒碑其上垂示無窮而系以銘曰截
彼高山作鎮海邦吐烟出雲為下國洪龐肅其煩敵時
其雨暘祛彼氛妖作彼豐穰靡菑靡沴永庇斯疆優游
卒歲室家胥慶於戲山之嶄兮海之深矣勒此銘詩相
為終始自後間歲入貢宣德五年復遣鄭和撫諭其國
八年王可亦里遣使偕錫蘭山諸國來貢正統元年遣
其使者附瓜哇貢舶還國并賜敕勞王王瑄里人崇釋

教佛座四旁皆水溝復穿一井每旦鳴鍾鼓汲水灌佛
二浴之始羅拜而退其國與錫蘭山對峙中通古里東
界大山三面距海俗頗淳築室以椰子樹為材取葉為
苫以覆屋風雨皆可蔽人分五等一曰南昆王族類二
曰回回三曰哲地皆富民四曰草全皆牙僧五曰木瓜
木瓜最貧為人執賤役者屋高不得過三尺衣上不得
過臍下不得過膝途遇南昆哲地人輒伏地俟其過乃
起氣候常熱一歲中二三月時有少雨國人皆治舍儲

食物以俟五六月間大雨不止街市成河七月始晴八月後不復雨歲歲皆然田瘠少收諸穀皆產獨無麥諸畜亦皆有獨無鵝與驢云

小葛蘭其國與柯枝接境自錫蘭山西北行六晝夜可達東大山西大海南北地窄西洋小國也永樂五年遣使附古里蘇門答刺入貢賜其王綿綺紗羅鞍馬諸物其使者亦有賜王及羣下皆瑣里人奉釋教重牛及他婚喪諸禮多與錫蘭同俗淳土薄收穫少仰給榜葛刺

鄭和嘗使其國厥貢惟珍珠傘白棉布胡椒又有大葛
蘭者波濤湍悍舟不可泊故商人罕至土黑墳本宜穀
麥民懶事耕作歲賴鳥簞之米以足食風俗物產多類
小葛蘭

錫蘭山或云即古狼牙修梁時曾通中國自蘇門答刺
順風十二晝夜可達永樂中鄭和使西洋至其地其王
亞烈苦奈兒欲害和和覺去之他國王又不睦鄰境屢
邀劫往來使臣諸蕃皆苦之及和歸復經其地乃誘和

至國中發兵五萬劫和塞歸路和乃率步卒二千由間道乘虛攻拔其城生擒亞烈苦奈兒及妻子頭目獻俘於朝廷臣請行戮帝憫其無知并妻子皆釋且給以衣食命擇其族之賢者立之有邪把乃那者諸俘囚咸稱其賢乃遣使齎印誥封為王其舊王亦遣歸自是海外諸蕃益服天子威德貢使載道王遂屢入貢宣德五年鄭和撫諭其國八年王不剌葛麻巴忽剌批遣使來貢正統元年命附瓜哇貢舶歸賜敕諭之十年偕滿剌加

使者來貢天順三年王葛力生夏刺昔利把交刺惹遣
使來貢嗣後不復至其國地廣人稠貨物皆聚亞於瓜
哇東南海中有山三四座總名曰翠藍嶼大小七門門
皆可通舟中一山尤高大番名梭篤蠻山其人皆巢居
穴處赤身髡髮相傳釋迦佛曾經此山浴於水或竊其
袈裟佛誓云後有穿衣者必爛其皮肉自是寸布掛身
輒發瘡毒故男女皆裸體但紉木葉蔽其前後或圍以
布故又名裸形國地不生穀惟啖魚蝦及山芋波羅蜜

芭蕉實之屬自此山西行七日見鸚哥嘴山又二三日
抵佛堂山即入錫蘭國境海邊山石上有一足跡長三
尺許故老云佛從翠藍嶼來踐此故足跡尚存中有淺
水四時不乾人皆手蘸拭目洗面曰佛水清淨山下僧
寺有釋迦真身側臥狀上旁有佛牙及舍利相傳佛涅
槃處也其寢座以沈香為之飾以諸色寶石莊嚴甚王
所居側有大山高出雲漢其顛有巨人足跡入石深二
尺長八尺餘云是盤古遺跡此山產紅雅姑青雅姑黃

雅姑昔刺泥窟沒藍等諸色寶石每大雨衝流山下土人競拾之海旁有浮沙珠蚌聚其內光彩潏灩王使人撈取置之地蚌爛而取其珠故其國珠寶特富王瑣里國人崇釋教重牛日取牛糞燒灰塗其體又調以水徧塗地上乃禮佛手足直舒腹貼於地以為敬王及庶民皆如之不食牛肉止食其乳死則瘞之有殺牛者罪至死氣候常熱米粟豐足民富饒然不喜噉飯欲噉則於暗處不令人見徧體皆毫毛悉薙去惟髮不薙所貢物

有珠珊瑚寶石水晶撒哈刺西洋布乳香木香樹香檀
香沒藥硫黃藤竭蘆薈烏木胡椒碗石馴象之屬

榜葛刺即漢身毒國東漢曰天竺其後中天竺貢於梁
南天竺貢於魏唐亦分五天竺又名五印度宋仍名天
竺榜葛刺則東印度也自蘇門答刺順風二十晝夜可
至永樂六年其王霽牙思丁遣使來朝貢方物宴賚有
差七年其使凡再至攜從者二百三十餘人帝方招徠
絕域頒賜甚厚自是比年入貢十年貢使將至遣官宴

之於鎮江既將事使者告其王之喪遣官往祭封嗣子
賽勿丁為王十二年嗣王遣使奉表來謝貢麒麟及名
馬方物禮官請表賀帝勿許明年遣侯顯齋詔使其國
王與妃大臣皆有賜正統三年貢麒麟百官表賀明年
又入貢自是不復至其國地大物阜城池街市聚貨通
商繁華類中國四時氣候常如夏土沃一歲二稔不待
耕耘俗淳龐有文字男女勤於耕織容體皆黑間有白
者王及官民皆回回人喪祭冠婚悉用其禮男子皆薙

髮裹以白布衣從頸貫下用布圍之厯不置閔刑有咎杖徒流數等官司上下亦有行移醫卜陰陽百工技藝悉如中國蓋皆前世所流入也其王敬天朝聞使者至遣官具儀物以千騎來迎王宮高廣柱皆黃銅包飾雕琢花獸左右設長廊內列明甲馬隊千餘外列巨人明盔甲執刀劔弓矢威儀甚壯丹墀左右設孔雀翎扇蓋百餘又置象隊百餘於殿前王飾八寶冠箕踞殿上高座橫劍於膝朝使入令拄銀杖者二人來導五步一呼

至中則止又拄金杖者二人導如初其王拜迎詔叩頭
手加額開讀受賜訖設氍毹於殿宴朝使不飲酒以薑
薇露和香密水飲之贈使者金盃金繫腰金瓶金盃其
副則悉用銀從者皆有贈厥貢良馬金銀琉璃器青花
白瓷鶴頂犀角翠羽鸚鵡洗白苾布兜羅絛撒哈刺糖
霜乳香熟香烏香麻藤香烏爹泥紫膠藤竭烏木蘇木
胡椒粗黃

泊納樸兒其國在榜葛刺之西或言即中印度古所稱

佛國也永樂十年遣使者齎敕撫諭其國賜王亦不剌金絨錦金織文綺綵帛等物十八年榜葛剌使者懇其國王數舉兵侵擾詔中官侯顯齎敕諭以睦隣保境之義因賜之綵幣所過金剛寶座之地亦有賜然其王以去中國絕遠朝貢竟不至

祖法免自古里西北於舟順風十晝夜可至永樂十九年遣使偕阿丹刺撒諸國入貢命鄭和齎璽書賜物報之二十一年貢使復至宣德五年和再使其國其王阿

里即遣使朝貢八年達京師正統元年還國賜璽書獎
王其國東南大海西北重山天時常若八九月五穀蔬
果諸畜咸備人體頗碩王及臣民悉奉回回教婚喪亦
遵其制多建禮拜寺遇禮拜日市絕貿易男女長幼皆
沐浴更新衣以薔薇露或沈香油拭面焚沈檀俺八兒
諸香土鑪人立其上以薰衣然後往拜所過街市香經
時不散天使至詔書開讀訖其王徧諭國人盡出乳香
血竭蘆薈沒藥蘇合油安息香諸物與華人交易乳香

乃樹脂其樹似榆而葉尖長土人砍樹取其脂為香有
駝雞頸長類鶴足高三四尺毛色若駝行亦如之常以
充貢

木骨都束自小葛蘭舟行二十晝夜可至永樂十四年
遣使與不剌哇麻林諸國奉表朝貢命鄭和齎敕及幣
偕其使者往報之後再入貢復命和諧行賜王及妃綵
幣二十一年貢使又至比還其王及妃更有賜宣德五
年和復頒詔其國國濱海山連地曠磽瘠少收歲常早

或數年不雨俗頑囂時操兵習射地不產木亦如忽魯
謨斯壘石為屋及用魚腊以飼牛羊馬駝云

不刺哇與木骨都束接壤自錫蘭山別羅里南行二十
一晝夜可至永樂十四年至二十一年凡四入貢並與
木骨都束偕鄭和亦兩使其國宣德五年和復往使其
國傍海而居地廣斥鹵少草木亦壘石為屋有鹽池但
投樹枝於中已而取起鹽即凝其上俗淳田不可耕蒜
葱之外無他種專捕魚為食所產有馬哈獸狀如獐花

福祿狀如驢及犀象駱駝沒藥乳香龍涎香之類常以充貢

竹步亦與木骨都東接壤永樂中嘗入貢其地戶口不繁風俗頗淳鄭和至其地亦無草木壘石以居歲多旱曠皆與木骨都東同所產有獅子金錢豹駝蹄雞龍涎香乳香金珀胡椒之屬

阿丹在古里之西順風二十二晝夜可至永樂十四年遣使奉表貢方物辭還命鄭和齋敕及綵幣偕往賜之

自是凡四入貢天子亦厚加賜賚宣德五年海外諸番
久缺貢復命和齋敕宣諭其王抹立克那思兒即遣使
來貢八年至京師正統元年始還自後天朝不復通使
遠番貢使亦不至前世梁隋唐時並有丹丹國或言即
其地地膏腴饒粟麥人性强悍有馬步銳卒七八千人
鄰邦畏之王及國人悉奉回回教氣候常和歲不置閏
其定時之法以月為準如今夜見新月明日即為月朔
四季不定自有陰陽家推算其日為春首即有花開其

日為秋初即有葉落及日月交食風雨潮汐皆能預測其王甚尊中國聞和船至躬率部領來迎入國宣詔訖徧諭其下盡出珍寶互易永樂十九年中官周姓者往市得貓睛重二錢許珊瑚樹高二尺者數枝又大珠金珀諸色雅姑異寶麒麟獅子花貓鹿金錢豹駝鷄白鳩以歸他國所不及也蔬果畜產咸備獨無鵝豕二者市肆有書籍工人所製金首飾絕勝諸蕃所少惟無草木其居亦皆壘石為之麒麟前足高九尺後六尺頸長丈

六尺有二短角牛尾鹿身食粟豈餅餌獅子形如虎黑
黃色無斑首太口廣尾尖聲吼若雷百獸見之皆伏地
嘉靖時製方丘朝日壇玉爵購紅黃玉於天方哈密諸
蕃不可得有通事言此玉產於阿丹去土魯番西南二
千里其地兩山對峙自為雌雄或自鳴請如永樂宣德
故事齎重賄往購帝從部議已之

刺撒自古里順風二十晝夜可至永樂十四年遣使來
貢命鄭和報之後凡三貢皆與阿丹不刺哇諸國偕宣

德五年和復齋敕往使竟不復貢國傍海而居氣候常
熟田瘠少收俗淳喪葬有禮有事則禱鬼神草木不生
久旱不雨居室悉與竹步諸國同所產有乳香龍涎香
千里駝之類

麻林去中國絕遠永樂十三年遣使貢麒麟將至禮部
尚書呂震請表賀帝曰往儒臣進五經四書大全請上
表朕許之以此書有益於治也麟之有無何所損益其
已之已而麻林與諸蕃使者以麟及天馬神鹿諸物進

帝御奉天門受之百僚稽首稱賀帝曰此皇考厚德所致亦賴卿等翊贊故遠人畢來繼自今益宜秉德迪朕不逮十四年又貢方物

忽魯謨斯西洋大國也自古里西北行二十五日可至永樂十年天子以西洋近國已航海貢琛稽顙闕下而遠者猶未賓服乃命鄭和齎璽書往諸國賜其王錦綺綵帛紗羅妃及大臣皆有賜王即遣陪臣已即丁奉金葉表貢馬及方物十二年至京師命禮官宴賜酬以馬

直比還賜王及妃以下有差自是凡四貢和亦再使後
朝使不往其使亦不來宣德五年復遣和宣詔其國其
王賽弗丁乃遣使來貢八年至京師宴賜有加正統元
年附瓜哇舟還國嗣後遂絕其國居西海之極自東南
諸蠻邦及大西洋商舶西域賈人皆來貿易故寶物填
溢氣候有寒暑春發葩秋隕葉有霜無雪多露少雨土
瘠穀麥寡然他方轉輸者多故價殊賤民富裕厚或遭
禍致貧衆皆遺以錢帛共振助之人多白晢豐偉婦女

出則以紗蔽面市列廛肆百物具備惟禁酒犯者罪至
死醫卜技藝皆類中華交易用銀錢書用回回字王及
臣下皆遵回教婚喪悉用其禮日齋戒沐浴虔拜者五
地多鹹不產草木牛羊馬駝皆噉魚脂壘石為屋有三
四層者寢處庖廁及待客之所咸在其上饒蔬果有核
桃把朮松子石榴葡萄花紅萬年棗之屬境內有大山
四面異色一紅鹽石鑿以為器盛食物不加鹽而味自
和一白土可塗垣壁一赤土一黃土皆適於用所貢有

獅子麒麟駝雞福祿靈羊常貢則大珠寶石之類

溜山自錫蘭山別羅里南去順風七晝夜可至自蘇門答刺過小帽山西南行十晝夜可至永樂十年鄭和往使其國十四年其王亦速福遣使來貢自後三貢並與忽魯謨斯諸國偕宣德五年鄭和復使其國後竟不至其山居海中有三石門並可通舟無城郭倚山聚居氣候常熱土薄穀少無麥土人皆捕魚暴乾以充食王及羣下盡回回人婚喪諸禮多類忽魯謨斯山下有八溜

或言外更有三千溜舟或失風入其處即沈溺又有國
曰比刺曰孫刺鄭和亦嘗齋救往賜以去中華絕遠二
國貢使竟不至

南巫里在西南海中永樂三年遣使齋璽書綵幣撫諭
其國六年鄭和復往使九年其王遣使貢方物與急蘭
丹加異勒諸國偕來賜其王金織文綺金繡龍衣銷金
幃幔及織蓋諸物命禮官宴賜遣之十四年再貢命鄭
和與其使偕行後不復至

加異勒西洋小國也永樂六年遣鄭和齎詔招諭賜以錦綺紗羅九年其酋長葛卜者麻遣使奉表貢方物命賜宴及冠帶綵幣寶鈔十年和再使其國後凡三入貢宣德五年和復使其國八年又偕阿丹等十一國來貢甘巴里亦西洋小國永樂六年鄭和使其地賜其王錦綺紗羅十二年遣使朝貢方物十九年再貢遣鄭和報之宣德五年和復招諭其國王兜哇刺扎遣使來貢八年抵京師正統元年附瓜哇舟還國賜敕勞王其隣境

有阿撥把丹小阿蘭二國亦以六年命鄭和齎敕招諭
賜亦同

急蘭丹永樂九年王麻哈刺查苦馬兒遣使朝貢十年
命鄭和齎敕獎其王賚以錦綺紗羅綵帛

沙里灣泥永樂十四年遣使來獻方物命鄭和齎幣帛
還賜之

底里永樂十年遣使奉璽書招諭其王馬哈木賜絨錦
金織文綺綵帛諸物其地與洺納樸兒近并賜其王亦

不刺金

千里達永樂十六年遣使貢方物賜其使冠帶紵絲紗
羅綵帛及寶鈔比還賜其王有加

失刺比永樂十六年遣使朝貢賜其使冠帶金織文綺
襲衣綵幣白金有差其王亦優賜

古里班卒永樂中嘗入貢其土瘠穀少物產亦薄氣候
不齊夏多雨雨即寒

刺泥永樂元年其國中回回哈只馬哈沒奇刺泥等來

貢方物因攜胡椒與民市有司請徵其稅帝曰徵稅以抑逐末之民豈以為利今遠人慕義來乃取其貨所得幾何而虧損國體多矣其已之刺泥而外有數國曰夏刺比曰奇刺泥曰密察泥曰捨刺齊曰彭加那曰八可意曰烏沙刺踢曰坎巴曰阿哇曰打回永樂中嘗遣使朝貢其國之風土物產無可稽

白葛達永樂元年遣其臣和者里一思入貢其使臣言遭風破舟貢物盡失國主惓惓忠敬之忱無由上達此

使臣之罪惟聖天子恩貸賜之冠帶俾得歸見國主知陪臣實詣闕廷庶幾免責帝許之使附隣國貢舟歸國諭之曰倉卒失風豈人力能制歸語爾主朕嘉王之誠不在物也宴賜悉如禮及辭歸帝謂禮官曰天時漸寒海道遼遠可賜路費及衣服其國土地瘠薄崇釋教市易用鐵錢又有黑葛達亦以宣德時來貢國小民貧尚佛畏刑多牛羊亦以鐵鑄錢

拂菻即漢大秦桓帝時始通中國晉及魏皆曰大秦嘗

入貢唐曰拂菻宋仍之亦數入貢而宋史謂厯代未嘗
朝貢疑其非大秦也元末其國人捏古倫入市中國元
亡不能歸太祖聞之以洪武四年八月召見命齋詔書
還諭其王曰自有宋失馭天絕其祀元興沙漠入主中
國百有餘年天厭其昏淫亦用隕絕其命中原擾亂十
有八年當羣雄初起時朕為淮右布衣起義救民荷天
之靈授以文武諸臣東渡江左練兵養士十有四年西
平漢王陳友諒東縛吳王張士誠南平閩粵戡定巴蜀

北定幽燕奠安方夏復我中國之舊疆朕為臣民推戴
即皇帝位定有天下之號曰大明建元洪武於今四年
矣凡四夷諸邦皆遣官告諭惟爾拂菻隔越西海未及
報知今遣爾國之民捏古倫齋詔往諭朕雖未及古先
哲王俾萬方懷德然不可不使天下知朕平定四海之
意故茲詔告已而復命使臣普刺等齋敕書綵幣招諭
其國乃遣使入貢後不復至萬歷時大西洋人至京師
言天主耶穌生於如德亞即古大秦國也其國自開闢

以來六千年史書所載世代相嬗及萬事萬物原始無不詳悉謂為天主肇生人類之邦言頗誕謾不可信其物產珍寶之盛具見前史

意大里亞居大西洋中自古不通中國萬歷時其國人利瑪竇至京師為萬國全圖言天下有五大洲第一曰亞細亞洲中凡百餘國而中國居其一第二曰歐羅巴洲中凡七十餘國而意大里亞居其一第三曰利未亞洲亦百餘國第四曰亞墨利加洲地更大以境土相連

分為南北二洲最後得墨瓦臘泥加洲為第五而域中
大地盡矣其說荒渺莫考然其國人充斥中土則其地
固有之不可誣也大都歐羅巴諸國悉奉天主耶穌教
而耶穌生於如德亞其國在亞細亞洲之中西行教於
歐羅巴其始生在漢哀帝元壽二年庚申閏一千五百
八十一年至萬曆九年利瑪竇始汎海九萬里至廣州
之香山澳其教遂沾染中土至二十九年入京師中官
馬堂以其方物進獻自稱大西洋人禮部言會典止有

西洋瑣里國無大西洋其真偽不可知又寄居二十年
方行進貢則與遠方慕義特來獻琛者不同且其所貢
天主及天主母圖既屬不經而所攜又有神仙骨諸物
夫既稱神仙自能飛昇安得有骨則唐韓愈所謂凶穢
之餘不宜入貢禁者也況此等方物未經臣部譯驗徑
行進獻則內臣混進之非與臣等溺職之罪俱有不容
辭者及奉旨送部乃不赴部審譯而私寓僧舍臣等不
知其何意但諸番朝貢例有回賜其使臣必有宴賞乞

給賜冠帶還國勿令潛居兩京與中人交往別生事端
不報八月又言臣等議令利瑪竇還國候命五月未賜
綸音毋怪乎遠人之鬱病而思歸也察其情辭懇切真
有不願尚方錫予惟欲山棲野宿之意譬之禽鹿久羈
愈思長林豐草人情固然乞速為頒賜遣赴江西諸處
聽其深山邃谷寄跡怡老亦不敢已而帝嘉其遠來假
館授粲給賜優厚公卿以下重其人咸與晉接瑪竇安
之遂留居不去以三十八年四月卒於京賜葬西郭外

其年十一月朔日食歷官推算多謬朝議將修改明年
五官正周子愚言大西洋歸化人龐迪我熊三拔等深
明歷法其所攜歷書有中國載籍所未及者當令譯上
以資採擇禮部侍郎翁正春等因請倣洪武初設回回
歷科之例令迪我等同測驗從之自瑪竇入中國後其
徒來益衆有王豐肅者居南京專以天主教惑衆士大
夫暨里巷小民間為所誘禮部郎中徐如珂惡之其徒
又自誇風土人物遠勝中華如珂乃召兩人授以筆劄

令各書所記憶悉舛謬不相合乃倡議驅斥四十四年
與侍郎沈淮給事中晏文輝等合疏斥其邪說惑衆且
疑其為佛郎機假託乞急行驅逐禮科給事中余懋孳
亦言自利瑪竇東來而中國復有天主之教乃留都王
豐肅陽瑪諾等煽惑羣衆不下萬人朔望朝拜動以千
計夫通番左道並有禁令公然夜聚曉散一如白蓮無
為諸教且往來壞鏡與澳中諸番通謀而所司不為遣
斥國家禁令安在帝納其言至十二月令豐肅及迪我

等俱遣赴廣東聽還本國命下久之遷延不行所司亦
不為督發四十六年四月廸我等奏臣與先臣利瑪竇
等十餘年涉海九萬里觀光上國叨食大官十有七年
近南北參劾議行屏斥竊念臣等焚修學道尊奉天主
豈有邪謀敢墮惡業惟聖明垂憐候風便還國若寄居
海嶼愈滋猜疑乞并南都諸處陪臣一體寬假不報乃
怏怏而去豐肅尋變姓名復入南京行教如故朝士莫
能察也其國善製礮視西洋更巨既傳入內地華人多

效之而不能用天啟崇禎間東北用兵數召澳中人入都令將士學習其人亦為盡力崇禎時歷法益疏舛禮部尚書徐光啟請令其徒羅雅谷湯若望等以其國新法相參較開局纂修報可久之書成即以崇禎元年戊辰為歷元名之曰崇禎歷書雖未頒行其法視大統歷為密識者有取焉其國人東來者大都聰明特達之士意專行教不求祿利其所著書多華人所未道故一時好異者咸尚之而士大夫如徐光啟李之藻輩首好其

說且為潤色其文詞故其教驟興時著聲中土者更有
龍華民畢方濟父如畧鄧王函諸人華民方濟如畧及
熊三拔皆意大里亞國人玉函熱而瑪尼國人龐迪我
依西把尼亞國人陽瑪諾波而都瓦爾國人皆歐羅巴
洲之國也其所言風俗物產多夸且有職方外紀諸書
在不具述

明史卷三百二十六

欽定四庫全書

明史卷三百二十六考證

古里傳柯枝國遠在西南鉅海之濱

臣

章宗瀛按柯

枝在大海之中不得有濱可詎獻徵錄作詎謹據改

錫蘭山傳錫蘭山或云即古狼牙修

臣

章宗瀛按錫

蘭山統志言自古不通中國傳言或云即古狼牙修

梁時曾通中國据梁書天監十四年狼牙修入貢其

國在南海中此則言在西洋且所紀風俗亦與狼牙

修稍異謹識

榜葛刺傳左右設孔雀翎扇蓋百餘

臣章宗瀛按續

文獻通考列孔雀翎扇蓋數百傳作傘蓋傘與蓋義嫌相複謹據改又云王正殿高座嵌八寶不以八寶飾冠也亦與此異謹附考

麻林傳麻林去中國甚遠

臣章宗瀛按麻林嚴從簡

殊域周咨錄作麻刺永樂初其王哇來頓本率其臣來朝至福州卒詔謚康靖傳中不載謹附考

忽魯謨斯傳所貢有獅子麒麟駝雞福祿靈羊

臣章

宗瀛按福祿識大錄作福鹿云似駝而花文可愛與傳中祿字不同謹附考

南巫里傳南巫里在西南海中

臣章宗瀛按南巫里

或云即南泥里隸淳泥自蘓門答剌行三晝夜可至東距黎伐西北距海南連大山山南際海僅千餘家皆回回人見識大錄謹附考

加異勒傳加異勒西洋小國也

臣章宗瀛按加異勒

居人不及千家貧窶乏食常傭鄰國見吾學編謹附
考

拂菻傳拂菻即漢大秦

臣

章宗瀛按拂菻一日海西

國見新唐書謹附考

明史卷三百二十六考證

欽定四庫全書

史部
明文卷三百二十七

郎中臣丁雲錦覆勘

總校官編修臣朱鈐

欽定四庫全書

明史卷三百二十七

大學士張廷玉等奉 勅修

列傳第二百五十五

外國八

韃靼

韃靼即蒙古故元後也太祖洪武元年大將軍徐達率

師取元元主自北平遁出塞居開平數遣其將伊蘇等

擾北邊明年常遇春擊敗之師進開平俘宗王慶孫平章鼎住時元主奔應昌其將王保保據定西為邊患三年春以徐達為大將軍使出西安擣定西李文忠為左副將軍馮勝為右副將軍使出居庸擣應昌文忠至興和禽平章珠占復大破元兵於駱駝山遂趨應昌未至知元主已殂進圍其城克之獲元主孫密迪哩巴拉及其妃嬪大臣寶玉圖籍太子阿裕錫哩達喇獨以數十騎遁去而徐達亦大破王保保兵于沈兒峪口走之太

祖封密迪哩巴拉為崇禮侯謚元主曰順帝于是故元諸將江文清等王子實都爾等先後歸附獨王保保擁太子阿裕錫哩達喇居和林屢詔諭之不從五年春命大將軍徐達左副將軍李文忠征西將軍馮勝率師三道征之大將軍達由中路出鴈門戰不利守塞勝軍西次蘭州右副將軍傅友德先迎轉戰至縹琳山勝等兵合斬其平章布哈降桑多爾等所部吏民八千三百餘戶遂由額齊訥路至瓜沙州復連敗之文忠東出居庸

至琨元將棄營遁乃率輕騎追臚胸河疾馳進取曼
濟哈喇章於圖拉河追及鄂爾坤河又追及稱海獲其
官屬子孫并軍士家屬千八百餘送京師達等尋召還
明年春遣達文忠等備西北邊元兵入犯武朔達遣陳
德郭子興擊破之未幾達等復大破王保保兵於懷柔
時元兵先後犯白登保德河曲輒為守將所敗獨撫寧
瑞州被殘太祖乃徙其民於內地七年夏都督藍玉拔
興和文忠亦遣裨將禽斬其長而自以大軍攻高州大

石崖克之斬宗王大臣托克托錫哩等至檀潤山斬魯王
獲其妃孟格圖秋太祖以故元太子流離沙漠父子隔
絕未有後嗣乃遣崇禮便北歸以書諭之又二年其部
下玖珠等寇西邊敗去洪武十一年夏故元太子阿裕
錫哩達喇卒太祖自為文遣使弔祭子特古斯特穆爾
繼立其丞相魯爾曼濟哈喇章國公托和齊平章託勒
布哈彙爾布哈樞密知院按珠等擁衆于應昌和林時
出沒塞下太祖屢賜國書諭之不從十三年春西平侯

沐英師出靈州渡黃河歷賀蘭山踐流沙禽托和齊按
珠等於和林盡以其部曲歸冬旺扎勒布哈亦就禽明年
春徐達及副將軍湯和傅友德征鼎爾布哈至河北襲
灰山斬獲甚衆時王保保已先卒諸巨魁多以次平定
或望風歸附獨丞相納克楚擁二十萬衆據金山數窺
伺遼二十二春命宋國公馮勝為大將軍率潁川侯傅
友德永昌侯藍玉等將兵二十萬征之還其先所獲元
將巢喇固勝軍駐通州遣藍玉乘大雪襲慶州克之夏

師踰金山臨江候陳鏞失道陷敵死。鼂喇固歸備以朝廷撫恤恩語其衆，於是全國公和通來降。納克楚因聞鼂喇固之言，已心悖，復為大將軍所迫，乃陽使人至大將軍營納款，以覘兵勢。勝遣王往受降，使者見勝軍還報，納克楚仰天嘆曰：「天弗使吾有此衆矣！」遂率數百騎詣王納降。已將脫去，為鄭國公常茂所傷，不得去。都督耿忠遂以衆擁之，見勝勝重禮之，使忠與同寢食。先後降其部曲二十餘萬人及聞納克楚傷由是驚潰者四萬。

人獲輜重畜馬二百餘里勝班師都督濮英以三千騎
殿為潰卒所邀襲死之秋勝等表上納克楚所部官屬
二百餘人將校三千三百餘人金銀銅印一百顆虎符
牌面百二十五事馬二百九十餘匹稱賀太祖封納克
楚為海西侯先後賜予甚厚并授鼎喇固千戶納克楚
既降帝以故元遺寇終為邊患乃即軍中拜藍玉為大
將軍唐勝郭英副之耿忠孫恪為左右參將率師十五
萬往征之冬元將托克托等降於玉明年春玉以大軍由

大寧至慶州聞特古斯特穆爾在捕魚兒海從間道馳進至百眼井哨不見敵欲引還定遠侯王弼曰吾等奉聖主威德提十萬餘衆深入至此無所得何以復命玉乃穴地而爨一夜馳至捕魚兒海黎明去敵營八十里時大風揚沙晝晦軍行無知者敵不設備弼為前鋒直薄之遂大破其軍斬太尉曼濟數十人特古斯特穆爾以其太子天保努知院訥克埒丞相實勒們等數十騎遁去獲其次子地保努及妃至五十餘人渠率三千男

女七萬餘馬駝牛羊十萬聚鎧仗焚之又破其將哈喇
章營盡降其衆於是漠北削平提奏至太祖大悅賜地
保努等鈔幣命有司給供具既有言玉私元主妃者帝
怒妃慙懼自殺地保努出怨言帝居之琉球特古斯特
穆爾既遁將依丞相耀珠於和林行至圖拉河為其下
伊遜低爾所襲衆復散獨與訥克埒等十六騎偕遁耀
珠來迎欲共往依庫庫特穆爾大雪不得發伊遜低爾
兵猝至縊殺之并殺天保努於是訥克埒實勒們等來

降置之全寧衛未幾訥克埒為實勒們所襲殺衆潰詔
朵顏等衛招撫之來降者益衆二十三年春命潁國公
傅友德等以北平兵從燕王定遠侯王弼等以山西兵
從晉王征耀珠及鼐爾布哈阿魯特穆爾等燕王出古
北口偵知鼐爾布哈營伊都冒大雪馳進去敵一殲敵
不知也先遣指揮和通往和通舊與鼐爾布哈善一見
相持泣頃之大軍壓其營鼐爾布哈驚欲遁和通止之
引見王賜飲食慰諭遣還鼐爾布哈喜過望遂偕耀珠

等來降久之。鼎爾布哈等以謀叛誅死。敵益畏太祖。亦封燕晉諸王為邊藩鎮。更歲遣大將巡行塞下。督諸衛卒屯田。戒以持重。寇來輒敗之。而敵自特古斯特穆爾後。部帥紛拏五傳至琨特穆爾。咸被弑。不復知帝號。有郭勒齊者。篡立。稱汗。去國號。遂稱韃靼。云成祖即位。遣使諭之。通好。賜以銀幣。并及其知院阿魯。台丞相瑪勒哈扎爾等。時郭勒齊與衛拉特相仇。殺數往來塞下。帝敕邊將各嚴兵備之。永樂三年。頭目索和爾察罕達噶齊。

等先後來歸久之阿魯台殺郭勒齊而迎元之後布尼雅錫哩
于巴什伯里立為汗六年春帝即以書諭布尼雅錫哩曰自
元運既訖順帝後阿裕錫哩達喇至琨特穆爾凡六傳瞬息之
間未聞一人善終者我皇考太祖高皇帝於元氏子孫加意撫
恤來歸者輒令北還如遣特古斯特穆爾歸嗣為汗此南北
人所共知朕之心即皇考之心茲元氏宗祧不絕如線去就之
機禍福由分爾宜審處之不聽明年獲其部曲旺扎勒特穆爾
等二十二人帝因復使給事中郭驥齎書往驥被殺帝怒秋命

淇國公邱福為大將軍武城侯王聰同安侯火真副之靖安侯王忠安平侯李達為左右參將將精騎十萬北討論以毋失機毋輕犯敵一舉未捷俟再舉時布尼雅錫哩已為衛拉特所襲破與阿魯台徙居臚朐河福率千騎先馳遇游兵擊破之軍未集福乘勝渡河追敵敵輒佯敗引去諸將以帝命止福福不聽敵衆奄至圍之五將軍皆沒帝益怒明年帝自將五十萬衆出塞布尼雅錫哩聞之懼欲與阿魯台俱西阿魯台不從衆潰散君臣始

各為部布尼雅錫哩西奔阿魯台東奔帝追及部諾河布
尼雅錫哩拒戰帝麾兵奮擊一呼敗之布尼雅錫哩棄輜重
芻畜以七騎遁鄂諾河者元太祖始興地也班師至靜
虜鎮遇阿魯台帝使諭之降阿魯台欲來衆不可遂戰帝
率精騎大呼衝擊天下如注阿魯台墜馬遂大敗追
奔百餘里乃還冬阿魯台使來貢馬帝納之越二年布尼
雅錫哩為衛拉特馳瑪哈穆特等所殺阿魯台已數入貢帝
俱厚報之并還其向所俘同產兄妹二人至是奏瑪哈穆特

等弑其主又擅立塔爾巴願輸誠內附請為故主復仇
天子義之封為和寧王自是歲或一貢或再貢以為帝
十二年帝征衛拉特阿魯台使部長以下來朝會賜米五
十石乾肉酒糗綵幣有差十四年以戰敗衛拉特使來獻
俘十九年阿魯台貢使至邊要劫行旅帝諭使戒戢之
由是驕蹇不至阿魯台之內附困于衛拉特窮蹙而南思
假息塞外帝納而封之母妻皆為王太夫人王夫人數
年生聚畜牧日以蕃盛遂慢我使者拘留之其貢使歸

多行劫掠部落亦時來窺塞二十年春大興和于是
詔親征之阿魯台聞大軍出懼其母妻皆詈之曰大明
皇帝何負爾而必為逆于是盡棄其輜重馬畜于庫倫
海側以其孥直北徙帝命焚其輜重收其馬畜遂班師
明年秋遣將言阿魯台將入寇帝曰彼意朕必不復出
當先駐塞下待之遂部分寧陽侯陳懋為先鋒至蘇海
山不見敵遇王子額森托千率妻子部屬來降帝封為
忠勇王賜姓名曰金忠忠勇王至京師數請擊敵自効

帝曰姑待之二十二年春開平守將奏阿魯台盜邊羣臣勸帝如忠勇王言帝復親征師次達蘭納穆爾河得謀者知阿魯台遠遁帝意亦厭兵乃下詔暴阿魯台罪惡而宥其所部來降者止勿殺車駕還崩於榆木川未幾阿魯台使來貢馬仁宗已登極詔納之自是歲修職貢如永樂時時阿魯台數敗于衛拉特部曲離散其屬博迪等先後來歸朝廷皆予官職賜鈔幣詔有司給供具自後來歸者悉如例阿魯台日益盛乃率其屬東走烏

梁海駐牧遼塞諸將請出兵掩擊之帝不聽宣德九年
阿魯台復為托克托布哈所襲妻子死孳畜略盡獨與其
子實訥肯等徙居穆納山察罕諾爾等處未幾衛拉特
托懽襲殺阿魯台及實訥肯于是阿魯台子諤博爾濟延
及其孫妻孺木達實等喪敗無依來乞內附帝憐而撫之
阿魯台既死其故所立阿勒台王子及所部多爾濟巴勒等
復為托克托布哈所窘竄居頗齊訥路外為納款而數入
寇甘涼正統元年將軍陳懋敗多爾濟巴勒于平川追及

蘇武山頗有斬獲二年冬命都督任禮為總兵官蔣貴
趙安副之尚書王驥督師以便宜行事明年夏復敗多
爾濟巴勒等於石城阿勒台與多爾濟巴勒合復敗之烏拉納地
追及黑泉又及之多喇溝出沙漠千里東西夾擊敵幾盡先
後獲其部長一百五十人於是阿勒台多爾濟巴勒等來歸
未幾托克托布哈捕阿勒台等殺之托克托布哈者故元後
韃靼長也衛拉特托懽既擊殺阿魯台悉收其部兼并賢
義安樂二王之衆欲自立為汗衆不可乃立托克托布

哈以阿魯台衆屬之自為丞相陽推奉之實不承其號
令托懽死子額森嗣益桀驁自雄諸部皆下之托克托布
哈具汗名而已托克托布哈歲來朝貢天子皆厚報之
比諸蕃有加書稱之曰達爾丹汗賜賚并及其妃十四
年秋額森謀大舉入寇托克托布哈止之曰吾儕服食多
資大明何忍為此額森不聽曰汗不為吾當自為遂分
道俾托克托布哈侵遼東而自擁衆從大明入帝親征
之駕於土木陷焉景皇帝自監國即位尊帝為太上皇

帝明年秋上皇歸自額森所事載衛拉特傳托克托布哈
自上皇歸後修貢益勤嘗妻額森姊生子額森欲立之
不從額森亦疑其與中國通將害已遂治兵相攻額森
殺托克托布哈收其妻子孳畜給諸部屬而自立為汗
時景帝二年也朝廷稱額森為衛拉特汗景泰五年為
所部阿拉知院所殺韃靼部長保喇復攻破阿拉求托
克托布哈子穆爾格爾之號小王子阿拉死而保喇與其屬
瑪拉噶等皆雄視部中于是韃靼復熾六年遣使

入貢英宗復辟遣都督馬政往賜故已延特穆爾妻幣
保喇留之而遣使入賀欲獻璽帝敕之曰璽已非真即
真亦秦不祥物耳獻否從爾便第無留我使以速爾禍
時敵數寇威遠諸衛夏定遠伯石彪敗之於磨兒山天
順二年保喇大舉寇陝西安遠侯柳溥禦之輒敗而飾
小捷以聞明年春敵入安邊營石彪等破之僉事周賢
指揮李鑑戰死四年復寇榆林彰武伯楊信拒却之再
入敗之于金鷄峪未幾復大掠陝西諸邊廷臣請治各

守將罪帝宥之五年春寇入平虜城誘指揮許顯等入
伏殺之邊報日亟命侍郎白圭都御史王竑往視師秋
保喇求款帝使詹昇齎敕往諭保喇遣使隨昇來貢請
改大同舊貢道而由陝西蘭縣入許之未幾復糾其屬
瑪拉噶等入河西明年春圭等分巡西邊圭遇敵於固
原州竑遇敵於紅崖子川皆破之帝賜璽書獎勵敕保
喇使臣仍從大同入貢時穆爾格爾復與保喇相仇殺
穆爾格爾死衆共立蒙古勤克呼青吉斯亦號小主子自是

韃靼部長並各專擅小王子稀通中國傳世次多莫可
考保喇等每歲入貢數寇掠往來塞下以西政衛拉特為
辭又數要劫三衛七年冬貢使及闕帝却之以大學士
李賢言乃止八年春御史陳選言韃靼部落保喇最强
又密招三衛諸蕃相結屯住去冬來朝要我賞晏窺我
虛實其犯邊之情已露而我邊關守臣因循怠慢城堡
不修甲仗不利軍士不操習甚至富者納月錢而安閒
貧者迎饑寒而逃竄邊備廢弛緩急何恃乞敕在邊諸

臣痛草前弊其鎮守備禦等官亦宜以時黜陟庶能者知奮急者知警至阨塞要害之處或益官軍或設營堡或用墩臺咸須處置得宜歲遣大臣巡視庶邊防有備寇氛可戢報聞成化元年春保喇誘烏梁海九萬騎入遼河武安侯鄭宏禦却之秋散掠延綏冬復大入命彰武伯楊信率山西兵都御史項忠率陝西兵禦之少却朱幾復渡河曲圍黃甫川倭官軍力戰乃引去始韃靼之來也或在遼東宣府大同或在寧夏莊浪甘肅去來

無常為患不久景泰初始犯延慶然部落少不敢深入
天順間有河勒楚爾者率屬潛入河套居之遂逼近西
邊河套古朔方郡唐張仁愿築三受降城處也地在黃河
南自寧夏至偏頭關延袤二千里饒水草外為東勝衛
東勝而外土平行敵來一騎不能隱明初守之後以曠
絕內徙至是保拉與小王子瑪拉噶等先後繼至擄中
國人為鄉道抄掠延綏無虛時而邊事以棘二年夏大
入延綏帝命楊信充總兵官都督趙勝為副率京軍及

諸邊卒二萬人討之信先以議事赴闕未至敵散掠平涼入靈州及固原長驅寇寧靜隆德諸處冬復入延綏參將楊允績戰死未幾諸部內爭保喇弒蒙古勒克噶青吉斯瑪拉噶殺保喇更立他汗鄂爾綽克者復與瑪拉噶相仇殺瑪拉噶遂殺其所立汗鄂爾綽克而遣使貢尋渡河掠大同三年春帝命撫寧侯朱永等征之會瑪拉噶再乞通貢而別部長頗羅鼐亦遣人來朝帝許之詔永等駐軍塞上四年秋給事中程萬里上言瑪拉噶

噶久不朝貢窺伺邊疆其情叵測然臣度其有可敗者
三近我邊地才二三日程彼客我主一也兼并諸部馳
驅不息既驕且疲二也比來散逐水草部落四分兵力
不一三也宜選精兵二萬每三千人為一軍馴以驍將
嚴其賞罰使探瑪拉噶所在潛師擣之破之必矣帝壯
之而不能冬寇延綏明年春再入守將許寧等輒擊
敗之冬復糾三衛入寇延綏榆林大擾六年春大同巡
撫王越遣遊擊許寧擊敗之楊信等亦大破之于胡柴

溝時頗羅鼎興鄂蘭綽克合別部如嘉色凌博勒呼亦入
據河套為久居計延綏告急帝命永為將軍以王越參
贊軍務使禦敵永至數以捷聞越等皆陞賞論功永世
侯而敵據套自如七年春永上戰守二策廷議以糧匱
馬乏難于進勦請命邊將慎守禦以圖萬全于是吏部
侍郎葉盛巡邊偕廷綏巡撫余子俊及越議築邊牆設
立臺保冬敵入塞參將錢亮敗績越等不能救兵部尚
書白圭請擇遣大將軍專事敵會盛還越亦赴京計事

乃集廷議請大發兵搜套帝以武靖侯趙輔為將軍節制諸路王越仍督師敵大入延綏輔不能禦遂召還以寧晉伯劉聚代之聚亦未有功而瑪拉噶頗羅鼐鄂蘭緯克稍衰們都埒入河套稱汗伽嘉色凌為太師九年秋們都埒等與博勒呼並寇韋州王越偵知敵盡行其老弱巢紅鹽池乃與許寧及遊擊周玉率輕騎晝夜疾馳至分薄其營前後夾擊大破之復邀擊于韋州們都埒等敗歸孳畜廬帳蕩盡妻孥皆喪亡相顧悲哭去自

是不復居河套邊患少弭間盜邊弗敢大入亦數遣使朝貢初伽嘉色凌以女妻們都埒立為汗久之殺傳勒呼并其衆並專恣們都埒部陀羅該伊斯瑪音謀殺之尋們都埒亦死諸強酋相繼略盡邊人稍得息肩時中官汪直沾恩用事思以邊功自樹王越朱永附之十六年春邊將上言傳聞敵將渡河遽以永為將軍直與越督軍至邊未及期襲敵於威寧海子大破之又敗之于大同永晉公爵于世襲越封威寧伯直增祿至三百

石未幾詔以越代永總兵于是伊斯瑪音等並糾衆盜邊延及遼塞秋敵三萬騎寇大同連營五十里殺掠人畜數萬總兵許寧禦之兵敗以捷聞敵既得利長馳入順聖川散掠渾源朔諸州宣府巡撫秦紘總兵周玉力戰却之山西巡撫遼鏞參將支玉等悉力捍禦敵去輒復來迄成化末無寧歲伊斯瑪音死入寇者復稱小王子又有巴延蒙克王弘治元年夏小王子奉書求貢自稱大元大汗朝廷方務優容許之自是與巴延蒙克

王等屢入貢漸往來套中出沒為寇八年北部伊畢喇
伊木王等入套駐牧于是小王子及院羅談之子和碩相
倚日強為東西諸邊患其年三八遼東多殺掠明年宣
大延綏諸境俱被殘十一年秋王越既節制諸邊乃率
輕兵襲敵于賀蘭山後破之十三年敵擁衆入大同寧夏境
遊擊王杲敗績參將秦恭副總兵馬昇逗遛不進皆
論死時平江伯陳銳為總兵侍郎許進督師久無功被
劾去以保國公朱暉侍郎史琳代之大監苗達監軍是

年冬小王子復居河套明年春吏部侍郎王鏊上禦敵
八策一曰定廟算二曰重主將三曰嚴法令四曰恤邊
民五曰廣招募六曰用間七曰分兵八曰出奇帝命
所司知之時敵以八千騎東駐遼塞下攻入長勝堡殺
掠殆盡秋暉等以五路之師夜襲敵于河套斬首三
級驅孳畜千餘歸賞甚厚小王子以十萬騎從花馬池
鹽池入散掠固原寧夏境三輔震動戕殺慘酷十五年以
戶部尚書秦紘總制陝西夏敵入遼東清河堡至密雲

旋西掠偏頭關秋復以五千騎犯遼東長安堡副總兵
劉祥禦之斬首五十一級敵乃退明年稍靖十七年春
敵上書請貢許之竟不至仍入大同殺墩軍犯宣府及
莊浪守將衛勇白玉等禦却之明年春敵三萬騎圍靈
州復散掠內地指揮仇鉞總兵李祥擊走之敵大舉入
寇宣府總兵張俊禦之大敗裨將張雄穆榮戰歿武宗
嗣位復命暉琳出禦冬敵入鎮夷所指揮劉經死之復
自花馬池毀垣入掠隆德靜寧會寧諸處關中大擾以

楊一清為總制時正德元年春也劉瑾用事監軍皆閹
人一清不得職去文貴才寬相繼受事二年敵入寧夏
莊浪及定遼後衛諸境守將皆逮問四年敵數寇大同
冬才寬禦敵於花馬池中伏死總兵馬昂與別部額
布勒戰于木瓜山勝之斬三百六十五級獲馬畜六百
餘軍器二千九百餘明年北部伊畢喇與小王子仇殺伊
畢喇竄西海阿爾圖寶克與合逼脅洮西屬番屢入寇
巡撫張翼總兵王勛不能制漸深入遼人苦之八年夏擁

衆來川遣使詣翼所乞邊地駐牧修貢翼啗以金帛令
遠徙伊畢喇遂西掠烏斯藏據之自是洮岷松潘無寧
歲小王子數入寇殺掠尤慘復以五萬騎攻大同趣
朔州掠馬邑帝命咸寧侯仇鉞總兵禦之戰于萬全衛
斬三級而所失亡十倍以捷聞明年秋敵連營數十寇宣
大塞而別遣萬騎掠懷安總制叢蘭告急命太監張永
督宣大延綏兵都督白玉為大將協蘭守禦京師戒嚴
已敵踰懷安趣蔚州至平虜城南蘭等預置毒飯於田

間如農家餉而設伏以待敵至中毒伏猝發多死者其
年小王子部長布爾噶以內難復奔據西海出沒寇西
北邊十一年秋小王子以七萬騎分道入與總兵潘浩
戰于賈家灣浩再戰再敗裨將朱春王唐死之張永遇
於老營坡被創走居庸敵遂犯宣府凡攻破城堡二十
殺掠人畜數萬浩奪三官諸將降罰有差十二年冬小
王子以五萬騎自榆林入寇圍總兵王勛等于應州帝
幸陽和親部署督諸將往援殊死戰敵稍却明日復來

攻自辰至酉戰百餘合敵引而西追至平虜朔州值大風黑霧晝晦帝乃還命宣捷于朝是後歲犯邊然不敢大入嘉靖四年春以萬騎寇甘肅總兵姜奭禦之於苦水墩斬其魁明年犯大同及宣府伊畢喇復駐牧賀蘭山後數擾邊明年春小王子兩寇宣府參將王經開山先後戰死秋以數萬騎犯寧夏塞尚書王憲以總兵鄭卿等敗之斬三百餘級明年春掠山西夏入大同中路參將李養禦却之冬復寇大同指揮趙源戰死十一年春

小王子乞通貢未得命怒遂擁十萬騎入寇總制唐
龍請許之帝不聽龍連戰頗有斬獲時小王子最富强
控弦十餘萬多畜貨貝稍厭兵乃徙幕東方稱土默特分
諸部落在西北邊者甚衆曰濟農曰諳達者於小王子
為從父行據河套雄黠喜兵為諸部長相率躡諸邊十
二年春濟農擁衆屯套內將犯延綏邊臣有備乃突以
五萬騎渡河西襲伊畢喇布爾噶兩部大破之布爾噶
為莊寧邊患久伊楞古土魯番諸蕃皆苦之嘗因屬番

特默格求貢市朝廷未之許至是唐龍以布爾噶衰敗
遠徙西海獲寧請無更議款事濟農等既破西海旋竊
入宣府永寧境大掠而去冬犯鎮遠關總兵王效副總
兵梁震敗之於柳門又追敗之於蜂窩山敵溺水死者
甚衆明年春寇大同秋復由花馬池入犯梁震及總兵
劉文拒却之十五年夏濟農以十萬衆屯賀蘭山分兵
寇涼州副總兵王輔禦之斬五十七級又入莊浪境總
兵姜瑛禦之於分水嶺三戰三勝之又入延綏及寧夏

邊冬復犯大同入掠宣大塞總制侍郎劉天和總督尚書楊守禮及巡撫都御史楚書悉力禦之十九年秋書以總兵白爵等三敗敵於萬全右衛境斬百餘級天和以總兵周尚文大破敵於黑水苑斬濟農子小十王明年春守禮以總兵李義禦敵於鎮朔保以總兵楊信禦敵于甘肅皆勝之秋諸達及其屬阿布海遣使石天爵款大同塞巡撫史道以聞詔却之以尚書樊繼祖督宣大兵懸賞格購諳達阿布海首遂大舉內犯諸達下石

嶺關趣太原濟農由平虜衛入掠平定壽陽諸處總兵
丁瑋遊擊周宇戰死諸將多獲罪繼祖獨蒙賞二十一
年夏敵復遣天爵求貢大同巡撫龍大有誘縛之上之
朝詭言用計禽獲帝悅擢大有兵部侍郎遣臣陞賞者
數十人磔天爵於市敵怒入寇掠朔州抵廣武由太原
南下沁汾襄垣長子皆被殘復從忻寧代而北屯祁縣
參將張世忠力戰敵圍之數重自己至申所殺傷相當
已而世忠矢盡見殺百戶張宣張臣俱死敵遂從鴈門

故道去秋復入朔州濟農死諸子朗台吉等散處河西
勢既分諸達獨盛歲數擾延綏諸達二十三年冬小王
子自萬全右衛入至蔚州及完縣京師戒嚴二十四年
秋諸達犯延綏及大同總兵張達拒却之又犯鵲鷁峪
參將張鳳指揮劉欽千戶李瓚生員王邦直等皆戰死
會總督侍郎翁萬達總兵周尚文嚴兵備陽和敵引去
明年夏諸達復遣使詣大同塞求貢邊卒殺之秋復來
請萬達再疏以聞帝不許敵以十萬騎西入保安掠慶

陽環縣而東以萬騎寇錦義總督三邊侍郎曾銑率參將李珍等直擣敵巢於馬梁山後斬百餘級敵始退銑議復河套大學士夏言主之帝方嚮用言令銑圖上方略以便宜從事明年夏萬達復言敵自冬涉春屢求貢詞恭似宜許不聽責萬達罔瀆銑鳩兵繕塞輒破敵既而帝意中變言與銑竟得罪斬西市敵益蓄忿思逞廷臣不敢言復套事矣二十八年春犯宣府滴水崖把總指揮江瀚董賜戰死全軍覆遂犯永寧大同總兵周尚

文禦之於曹家莊大敗之斬其魁會萬達自懷來赴援
宣府總兵趙國忠聞警亦率千騎追擊復連敗之是歲犯
西塞者五二十九年春諸達移駐威寧海子夏犯大
同總兵張達林椿死之敵引去傳箭諸部大舉秋循潮
河川南下至古北口都御史王汝孝率薊鎮兵禦之敵
陽引滿內嚮而別遣精騎從間道潰牆入汝孝兵潰遂
大掠懷柔圍順義抵通州分兵四掠焚湖渠馬房幾旬
大震敵大衆犯京師大同總兵咸寧侯仇鸞巡撫保定

都御史楊守謙等各以勤王兵至帝拜鸞為大將軍使
護諸軍鸞與守謙皆悞懦不敢戰兵部尚書丁汝夔恒
悞不知所為閉門守敵焚掠三日夜引去帝誅汝夔及
守謙敵將出白羊口鸞尾之敵猝東返鸞出不意兵潰
死傷千餘人敵乃徐由古北口出塞諸將收斬遺屍得
八十餘級以捷聞方諳達薄都城時縱所擄馬房內官
楊增持書八城求貢輔臣徐階等謂當以計款之諭令
退屯塞外因遣臣以請諳達歸遣子托克托陳款時鸞方

用事乃議開馬市以中敵兵部郎中楊繼盛上疏爭之不得明年春以侍郎史道洳其事給白金十萬開市大同次及延寧叛人蕭芹呂明鎮者故以罪亡入敵挾白蓮邪教與其黨趙全邱富周原喬源諸人導諳達為患諳達市畢旋入掠邊臣責之以芹等為詞芹詭有術能墮城敵試之不驗遂縛芹及明鎮而全富等竟匿不出諳達復請以牛馬易粟豆求職役誥敕又潛約河西諸部內犯墮諸邊垣帝惡之詔罷馬市召道還自是敵日寇掠西邊邊人大困三十一年春敵二千騎寇大同指揮王恭禦

之於平川墩戰死夏東入遼塞圍百戶常祿指揮姚大謨劉棟
劉啟基等於三道溝四人皆戰沒備禦指揮王相赴援大戰於
寺兒山殺傷相當敵舍去千戶葉廷瑞率百人助相明日相裹
創復邀敵於蠟黎山殊死鬪矢竭遂與麾下將士三百人皆死
之廷瑞被創死復蘇敵亦引退其年凡四犯大同三犯遼陽一
犯寧夏明年春犯宣府及延綏夏犯甘肅及大同守將禦之輒
敗秋諳達復大舉入寇下渾源靈邱廣昌急攻插箭浮圖等峪
固原遊擊陳鳳寧夏遊擊朱玉率兵赴援大戰却之敵分兵東

犯蔚西掠代繁時已駐鄜延二十日延慶諸城屠掠幾徧乃移營中部以矚涇原會久雨乃去時小王子亦乘隙為寇犯宣府赤城未幾諳達復以萬騎入大同縱掠至八角堡巡撫趙時春禦之遇敵於大蟲嶺總兵李洊戰死軍覆時春僅以身免三十三年春入宣府紫溝堡夏復犯寧夏大同總兵岳懋中伏死秋攻薊鎮牆百道並進警報日數十至京師戒嚴總督楊博悉力拒守募死士夜砍其營敵驚擾乃遁明年數犯宣薊參將趙傾葵李光啟丁碧先後戰死朝廷再下賞格購諳達首賜萬

金爵伯獲邱富周原者三百金授三品武階時富等在敵招集亡命居豐州築城自衛構宮殿墾水田號曰拜牲拜牲華言屋也趙全教敵益習功戰事諳達愛之甚每入寇必置酒全所問計三十五年夏敵三萬騎犯宣府遊擊張紘迎戰敗死冬掠大同邊繼掠陝西環慶諸處守將孫朝袁正等却之其年土默特再犯遼東明年敵以二萬騎分掠大同邊殺守備唐天祿把總汪淵諳達弟老巴圖復擁衆數萬入河流口犯永平及遷安副總兵蔣承勛力戰死夏突犯宣府馬尾梁

參將祁勉戰死秋復入大同右衛境攻毀七十餘
堡所殺擄甚衆冬詣達子錫林阿有妾曰托斯齊私部
目碩隆郭懼誅來降總督楊順自詡為奇功致之闕下
錫林阿來索不得乃縱掠大同諸墩堡圍右衛數匝順懼乃
詭言敵願易我以趙全邱富本兵許論以為便乃遣托
斯齊夜逸出塞紿之西走陰告錫林阿錫林阿執而戮之
敵狎知順無能圍右衛益急更分兵犯宣薊鎮西鄙震動
右衛烽火斷絕者六閱月大學士嚴嵩與許論議欲棄

右衛帝不聽詔諸臣發兵措餉而以兵部侍郎江東代
順時故將尚表以餽餉入圍城悉力捍禦粟盡食牛馬
徹屋為薪士卒無變志表時出兵突戰獲諳達孫及瑯
與其部將各一人會帝所遣侍郎江東及巡撫楊選總
兵張承勲等各嚴兵進圍乃解復掠永昌涼州及宣府
赤城圍甘州十四日始退土默特亦數寇遼東三十八年
春老巴圖錫林阿謀大舉入犯駐會州使其謀詭稱東下
總督王忬不能察遽分兵而東號令數易敵遂乘間入

薊鎮潘家口忬得罪夏犯大同轉掠宣府東西二城駐內地旬日會久雨乃退三十九年敵聚衆喜峰口外窺犯薊鎮大同總兵劉漢出擣其帳於灰河敵稍遠徙秋漢復與參將王孟夏等擣豐州禽斬一百五十人焚拜牲略盡是歲寇大同延綏薊遼遼無虛日明年春敵自河西踏冰入寇守備王世臣千戶李虎戰死秋犯宣府及居庸冬掠陝西寧夏塞已復分兵而東臨蓋州四十年夏土默特入撫順為總兵黑春所敗冬復攻鳳凰城

春力戰二日夜死之海金殺掠尤甚冬諳達數犯山西
寧夏塞延綏總兵趙尙分部銳卒令裨將李希靖等
東出神木保擣敵帳於半坡山徐執中等西出定邊營擊
敵騎于葭麥湖皆勝之斬一百十九級四十二年春敵
入宣府滴水崖劉漢却之敵遂引而東數犯遼塞秋總
兵楊照敗死時薊遼總督楊選囚繫三衛長托干令其
諸子更迭為質通托干者錫林阿妻父也翼以牽制錫
林阿三衛皆怨冬大掠順義三河諸將趙漆孫贖戰死京

師戒嚴大同總兵姜應熊禦之於密雲敗之敵退詔誅選明
年土默特入遼東都御史劉燾上諸將守禦功言海水暴
漲敵騎多沒者帝曰海若效靈下有司祭告燾等皆有
賞冬敵犯陝西大掠板橋響聞兇諸處四十四年春犯
遼東寧前小團山參將線補充遊擊楊維藩死之夏犯
肅州總兵劉承業禦之再戰皆捷秋諸達子杭台吉師
輕騎自宣府洗馬林突入散掠內地把總姜汝棟以銳
卒二百伏暗莊堡猝遇台吉搏之台吉墮馬為所部奪

去台吉受傷越日始甦明年諳達屢犯東西諸塞夏清
河守備郎得功扼之張能峪口勝之冬大同參將崔世
榮禦敵于樊皮嶺及子大朝大賓俱戰死時邱富死趙
全在敵中益用事尊諳達為帝治宮殿期日上棟忽大風
棟墜傷數人諳達懼不敢復居兵部侍郎譚綸在薊
鎮善治兵全乃說諳達無輕犯薊大同兵弱可以逞隆
慶元年諳達數犯山西秋復率衆數萬分三道入井坪
朔州老營偏頭關諸處遑將不能禦遂長驅攻岢嵐及

汾州破石州殺知州王亮采屠其民復大掠孝義介休平遙文水交城太谷隰州間男女死者數萬事聞諸邊臣蜀治有差而三衛勾土默特同時入寇薊鎮昌黎撫寧樂亭盧龍皆被蹂躪遊騎至灤河京師震動三日乃引去諸將追之敵出義院口會大霧迷失道墮捧樵崖中
人馬枕籍死者頗衆諸將乃趨割其首二年敵犯柴溝
守備韓尚忠戰死時兵部侍郎王崇古鎮西邊總兵李
成梁守遼東數以兵邀擊于塞外敵知有備入寇稍稀

四年秋抗台吉寇錦州總兵王治道參將郎得功以十餘騎入敵死冬諸達有孫曰巴噶奈濟者諸達第三子塔木台吉子也幼孤育于諸達妻所既長娶婦必濟巴噶復聘鄂爾多斯女即諸達外孫女貌美諸達奪之巴噶恚遂率其屬額里格等十人來降大同巡撫方逢時受之以告總督王崇古崇古上言巴噶來歸非擁衆內附者比宜給官爵豐館餼輿馬以示諸達諸達急則使縛送拜牲諸叛人不聽即脅誅巴噶牽沮之又不然

因而撫納如漢置屬國居烏桓故事使招其故部徙近
塞諸達老且死杭台吉立則令巴噶還以其衆與台吉
抗我按兵助之詔可授巴噶指揮使額里格正千戶諸
達方西掠土默特間之亟引還約諸部入犯宗古撒諸道嚴
兵禦之敵使來請命崇古遣譯者鮑崇德往言朝廷待
巴噶甚厚第能縛拜牲諸叛人趙全等旦送至巴噶即
夕返矣諸達大喜屏人語曰我不為亂亂由全等若天
子幸封我為王長北方諸部孰敢為患即死吾孫當

襲封彼衣食中國恐倍德乎乃益發使與崇德來乞封
且請輸馬與中國鐵鍋布帛互市隨執趙全李自馨等
數人來獻崇古乃以帝命遣巴噶歸巴噶猶戀戀感泣
再拜去諸達得孫大喜上表謝崇古因上言朝廷若允
諸達封貢諸達有數年之安可乘時修備設敵背盟吾
以數年蓄養之財力從事戰守愈于終歲奔命自救不
暇者矣復條八事以請一議封號官爵諸部行輩諸達
為尊宜錫以王號給印信其大枝如老巴圖杭台吉及

濟農長子吉納等俱宜授以都督弟姪子孫如烏紉達
爾罕等四十六枝授以指揮其諳達諸壻十餘枝授以
千戶一定貢額每歲一入貢諳達馬十匹使十人老巴
圖吉納杭台吉八匹使四人諸部長各以部落大小為
差大者四匹小者二匹使各二人通計歲貢馬不得過
五百匹使不得過百五十人馬分三等上駟三十進御
餘給價有差老瘠者不入其使歲許六十人進京餘待
境上使還聽以馬價市繒布諸物給酬賞其賞額視三

衛及西蕃諸國一議貢期貢道以春月及萬壽聖節四方來同之會使人馬匹及表文自大同左衛驗入給犒賞駐邊者分送各城撫鎮驗賞入京者押送自居庸關入一立互市其規如弘治初北部三貢例蕃以金銀牛馬皮張馬尾等物商販以緞紬布匹釜鍋等物開市日來者以三百人駐邊外我兵五百駐市場期盡一月市場陝西三邊有原立場堡大同應于左衛北威遠堡邊外宣府應于萬金右衛張家口邊外山西應于水泉營邊

邇外一議撫賞守市兵人布二疋部長緞二疋紬二匹
以好至邇者酌來使大小量加賞犒一議歸降通貢後
降者不分有罪無罪免收納其華人被擄歸正者查別
無竊盜乃許入一審經權一戒校飾疏入下廷臣議帝
終從崇古言詔封諸達為順義王賜紅蟒衣一襲毳都
埒赫杭台吉授都督同知各賜紅獅子衣一襲綵幣四
表裏賓圖台吉等十人授指揮同知納穆爾台吉等十
九人授指揮僉事達爾罕台吉等十八人授正千戶阿

拜台吉等十二人授副千戶恰台吉等二人授百戶昆
都埒赫即老巴圖也兵部採崇古議定市令秋市成凡
得馬五百餘匹賜諸達等綵幣有差西部吉納及其姪
徹辰等亦請市詔予市紅山墩暨清水營市成亦封吉
納為都督同知已而諸達請金字經及喇嘛僧詔給之
崇古復請玉印詔予鍍金銀印諸達老倭佛復請於海
南建寺詔賜寺額仰華諸達常遠處青山二子曰賓圖
居松山直蘭州之北曰必圖居西海直河州之西並求

互市多桀驁諸達諭之亦漸馴自是約束諸部無入犯
歲來貢市西塞以寧而東部土默特數擁衆寇遼塞總兵
李成梁敗之于車山斬五百八十餘級守備曹簋復敗
之於長勝堡神宗即位頻年入犯萬曆六年成梁率遊
擊秦得倚等擊敗于東昌堡斬部長九人餘級八百八
十四總督梁夢龍以聞帝大悅祭告郊廟御皇極門宣
捷七年冬土默特四萬騎入錦川營夢龍成梁及總兵
戚繼光等已預受大學士張居正方畧併力備禦敵始退

自是敵數入成梁等數敗之輒斬其巨魁又時襲擊於塞外多所斬獲敵畏之少戢成梁遂以功封寧遠伯諱達既就市事朝廷甚謹部下卒有掠奪邊氓者必罰治之且稽首謝罪朝廷亦厚加賞賚十年春諱達死帝特賜祭七壇綵緞十二表裏布百匹示優恤其妻哈敦率子杭台吉等上表進馬謝復賜幣布有差封杭台吉為順義王改民徹辰汗立三歲而死朝廷給恤典如例十五年春子徹哩克嗣其妻三娘子故諱達所奪之外孫

女而為婦者也歷配三王主兵柄為中國守邊保
塞衆畏服之乃敕封為忠順夫人自宣大至甘肅
不用兵者二十年及徹哩克西行遠遘而套部章
圖哩等據水塘布色圖浩爾齊等據莽拉聶恭兩
川數犯甘涼洮岷西寧間他部落亡慮數十種出
沒塞下順逆不常帝惡之十九年詔並停徹哩克
市賞已而徹哩克叩邊輸服率衆東歸獨章圖哩
布色圖等寇抄如故其年冬別部明安圖們分犯

榆林邊總兵杜桐禦之斬獲五百人殺明安二十年寧夏叛將巴拜等勾布色圖章圖哩等大舉入寇總兵李如松擊敗之二十二年延綏巡撫李春光奏套部納款已久自明安被戮而寇恨深西夏黨逆而貢市絕延鎮連年多事今東西各部皆乞款而布色圖挾私叵測邊長兵寡制禦為難宜察敵情審時勢敵入犯則血戰偶或小失應寬吏議倘敵真心效順相機議撫不可忘戰備也帝命兵部

傳飭各邊秋布色圖入固原遊擊史見戰死延綏總兵麻貴禦
之閱月始退全陝震動其年東部綽哈犯鎮武堡總兵董一元
與戰大破之明年春松部宰桑等犯陝西總督葉夢熊督却之
秋海部永什卜犯西寧總督三邊李改檄參將達雲遊擊白澤
暨瑪爾哥薩布爾嘉諸屬番設伏邀擊大敗之斬六百八十三級
捷聞帝大悅且以屬番效命追叙前總制鄭維功賞賚並及維
二十四年春總督李改以勁兵分三道出塞襲布色圖營共斬
四百九級獲馬畜器械數千浩爾齊部衆復窺伺洮川改遣參

將周國柱等擊之於莽拉川諾爾斬一百三十六級秋卓哩克圖阿齊圖浩爾齊等合謀犯西邊綽哈亦擁衆犯廣寧守將皆嚴兵却之二十五年秋海部寇甘鎮官軍擊走之冬綽哈糾土默特諸部寇遼東殺掠無算明年夏復寇遼東總兵李如松遠出擣巢死之冬改等分道出襲浩爾齊等於松山走之復其地二十七年詔復徹哩克市賞時改等築松山諸部紛叛延寧守臣共擊之殺獲甲首幾三千明年卓哩克圖宰桑章圖哩等乞通款不許邊臣王見賓等復為請詔復套部貢市三十二年海

部數入陝西塞兵備副使李自實總兵蕭如薰達雲等擊走之三十三年夏東部宰桑誘殺慶雲堡守禦熊鑰詔革其市賞三十五年夏總督徐三畏言河套之部與河東之部不同東部事統於一約誓定歷三十年不變套部分四十二枝各相雄長布色圖徒建空名于上西則浩爾齊最狡要挾最無厭中則布延泰以父明安之死無歲不犯東則沙津爭為監市與綽哈朋逞西陲搶攘非一日矣然衆雖號十萬分為四十二枝多者不過二三千騎少者一二千騎耳宜分其勢納

其款俾先順者獲賞後至者拒勦仍須主戰以張國威時已
許宰桑及浩爾齊諸部復貢市矣未幾徹哩克死未有嗣忠
順夫人率所部仍效貢職西部伊勒敦達春數擁衆犯東西
邊延綏部孟克什勒亦以挾賞故常沿邊抄掠布色圖欲婚
於忠順忠順拒之其所部薩納台吉烏魯木台吉等各不相
下封號久未定四十一年布色圖始婚於忠順東西諸部長
皆具狀為請封忠順夫人旋卒詔封布色圖為順義王而以
巴噶妻必濟素效恭順封忠義夫人布色圖為徹哩克孫襲

封時已少衰所制止山大三鎮外十二部其部長烏魯木薩
納及烏紳台吉等兵力皆與順義埒朝廷因宣大總兵涂宗
濬言各予陞賞如例其年綽哈糾胡土克圖三犯遼東胡土
克圖者居察哈爾地亦曰察哈爾王子元裔也其祖達喇蘇
始駐牧宣塞外諳達方強懼為所併乃徙帳於遼收福餘雜部
數入掠薊西四傳至胡土克圖遂益盛明年夏綽哈復合率
桑諾木圖以三萬騎入掠至平虜大寧既求撫賞許之四十
二年孟克什勒寇懷遠及保寧延綏總兵官秉忠等破之斬

三百二十一級明年察哈爾數犯遼東已掠義州攻臨大安堡
兵民死者甚衆四十四年總兵杜文煥數破套部孟克什勒
等于延綏邊詰爾齊布延泰及吉納徹辰岱青沙津東西諸
部皆惧先後來請貢市四十六年我

大清兵起略撫順及開原察哈爾乘隙擁衆挾賞西部阿
琿妻瑪勒丹亦以萬騎自石塘路入掠薊鎮白馬關及高家
馮家諸堡遊擊朱萬良禦之被圍羽書日數十至中外戒
嚴頃之瑪勒丹亦叩關乞通貢四十七年

大清兵滅宰桑及北關錦台什巴揚古等錦台什孫女為胡土克圖婦於是薊遼總督文球巡撫周永春等以利啗之俾聯結綽哈諸部以捍

大清兵給白金四千明年為泰昌元年加賞至四萬胡土克圖乃揚言助中國邀索無厭天啟元年秋吉納犯延綏邊榆林總兵杜文煥擊敗之明年春復大掠延安黃花峪深入六百里大掠居民數萬三年春伊勒敦糾眾再掠西邊官軍擊敗之明年春復謀入故巢犯松山為守臣馮任等所敗夏遂

糾海西古魯台吉等犯甘肅總兵董繼舒擊之斬三百餘級
年岱青以領賞譁於邊邊人格殺之岱青胡土克圖近屬也邊臣
議歲給償命銀一萬三千有奇而胡土克圖怏怏益思蹏去未幾
大清兵襲破綽哈所部皆散亡半歸于察哈爾時布色圖益衰
號令不行于諸部部長噶爾瑪等歲數犯延綏諸邊徹辰台
吉及鄂摩克必濟茂奇爾坦必濟等亦各擁衆往來窺伺塞
下崇禎元年胡土克圖攻喀喇沁及巴延台吉布色圖諸部
皆破之遂乘勝入犯宣大塞秋帝御平臺召總督王象乾詢

以方略象乾對言禦察哈爾之道宜令其自相攻今布色圖西走套內白台吉挺身免而喀喇沁所部多被擄不足用永什卜最強約三十萬人合布色圖所部并聯絡朵顏三十六家及喀喇沁餘衆可以禦察哈爾然與其構之不如撫而用之帝曰察哈爾意愛撫奈何對曰當從容籠絡帝曰如不款何象乾復密奏帝害之命往與督師袁崇煥共計象乾至邊與崇煥議合皆言西靖而東自寧胡土克圖不款而東西並急因定歲予察哈爾金八萬一千兩以示羈縻大同巡撫張宗衡上言察哈爾

來宣大駐新城去大同僅二百里三閱月未敢近前飢餓窮乏
察哈爾與我等耳察哈爾恃撫金為命兩年不得資用已竭食盡
馬乏暴骨成莽察哈爾之望款不啻望歲而我遺之金繒牛羊
茶果米穀無算是我適中其欲也察哈爾怠悖慢耳目不忍
睹聞方急款尚如是使察哈爾士馬豐飽其隄陵狂逞可勝道哉象
乾言款局垂成而復焚之既示察哈爾以不信亦非所以為國謀疏入
帝是象乾議詔宗衡毋得異同明年秋胡土克圖復擁衆至延綏
紅水灘乞增賞未遂即縱掠塞外總兵吳自勉禦却之既而東附

大清兵攻龍門未幾為

大清兵所擊六年夏察哈爾聞

大清兵至盡驅部衆渡河遠遁是時韃靼諸部先後歸附于

大清明年

大清兵遂大會諸部於烏蘇河南岡頒軍律焉而胡土克圖已卒乃
追至上都城盡俘察哈爾妻孥部衆其後套部歲入寧夏甘涼
境巡撫陳奇瑜總兵馬世龍督師洪承疇等輒擊敗之套部
噶爾瑪亦為總兵尤世祿所斬迄明世遠陞無寧致中原盜

賊蜂起當事者徂與諸達等貢市之便見察哈爾之恣于東也謂歲捐金錢數十萬冀苟安旦夕且覲收之為用而卒不得追其後也明未亡而察哈爾先斃諸部皆折入於大清國計愈困邊事愈棘朝議愈紛明亦遂不可為矣韃靼地東至海西至衛拉特當洪永宣世國家全盛頗受戎索然服亦靡常正統後邊備廢弛聲靈不振諸部長多以雄傑之姿恃其強暴迭出與中夏抗邊境之禍遂與明終始云

明史卷三百二十七

欽定四庫全書

明史卷三百二十七考證

韃靼傳時元主奔應昌其將王保保據定西為邊患

臣方煒按王保保即庫庫特穆爾本名見本傳謹附考

韃靼傳謚元主曰順帝臣方煒按是時國人謚元主

曰惠宗見歷代建元考傳未及謹附識

韃靼傳大將軍達由中路出鴈門戰不利臣方煒按

是年五月徐達與庫庫兵遇於嶺北中伏大敗死者數萬人見明實錄及庫庫本傳非僅不利也謹附考韃靼傳達等尋召還

臣

方煒按是年七月湯和又敗

於斷頭山見開國臣傳傳未載謹附考

韃靼傳洪武十一年夏故元太子阿裕錫哩達喇卒

臣方煒按阿裕錫哩達喇在位十一年建元宣光其

卒也國人謚曰昭宗嗣子即位改元天元見高麗志

此傳未詳謹附考

韃靼傳已將脫去為鄭國公常茂所傷

臣方煒按是

時納克楚意中變顧其下咄咄語鄭國公常茂麾下
有曉蒙古語者以告茂茂乃抽刀直前斫之後馮勝
以激變咎茂茂亦以行軍貪淫不律訐勝明祖收勝
總兵印而謫茂戍龍州見開國臣傳謹附考

韃靼傳五傳至琨特穆爾咸被弑

臣方煒按朔漢國

考稱坤特穆爾以建文三年卒不言其被弑與傳互

異謹附考

韃靼傳驥被殺

臣

方煒按郭驥被殺乃永樂七年事

見明實錄謹附考

韃靼傳遇王子額森托干率妻子部屬來降

臣

方煒

按額森托干係蒙古王子與托歡之子額森異派時

隨阿魯台北走為其所忌故率屬降見本傳謹附考

韃靼傳太監苗達監軍

臣

方煒按是時監軍太監為

扶安見明實錄與傳異謹附識

韃靼傳劉瑾用事監軍皆闖人一清不得職去

臣

方

煒按是時一清方議築邊牆修擲堡武宗已允其請發帑金數十萬後因劉瑾憾之引疾去僅修築四十里而已見獻徵錄及本傳謹附考

韃靼傳帝幸陽和親部署督諸將往援

臣

方煒按是

時武宗方以江彬之言出游宣府遂至陽和非因禦北兵而去也傳敘次尚未明晰謹附考

韃靼傳諳達下石嶺關趣太原

臣

方煒按是時三月

諳達掠蘭州叅將鄭東戰死見明實錄傳未載謹附

考

韃靼傳諳達犯綏寇及大同

臣方煒按是年諳達先

掠松子嶺守備張文瀚戰死見明實錄傳未載謹附考

韃靼傳既而帝意中變

臣方煒按是時嚴嵩與陸炳

相比傾言發其與邊將書稱關節故河套之議中變

見明實錄及閹黨傳謹附考

韃靼傳總兵李涑戰死

臣方煒按是時戰死者尚有

叅將馮恩見明實錄謹附考

韃靼傳叅將趙傾葵李光啓丁碧先後戰死

臣方煒

按明實錄是年叅將李光啓被執不屈死傳云戰死

互異謹識

韃靼傳秋復入大同右衛境

臣方煒按是年三月濟

農同時犯延綏副總兵陳鳳戰死見明本紀傳未載

謹附考

韃靼傳秋總兵楊照敗死

臣方煒按楊照因襲敵廣

寧塞外戰死見明實錄傳未詳載謹附識

韃靼傳自是敵數入成梁等數敗之

臣方煒按明實

錄萬曆九年土默特犯錦州游擊周之望敗沒旋為
李成梁擊走傳未詳敘謹附考

韃靼傳總兵李如松遠出擣巢死之

臣方煒按如松

以中伏而敗事在是年四月見明實錄謹附考

韃靼傳

大清兵遂大會諸部於烏蘓河南岡領軍律馬而胡土

克圖已卒

臣方煒謹按胡土克圖即林丹汗以

大兵入境西奔走於打草灘見

實錄傳未詳叙蓋元裔之稱汗至此乃絕實與明相終始謹識

韃靼傳明未亡而察哈爾先薨諸部皆折入於

大清

臣方煒恭考

實錄

太宗文皇帝天聰六年平察哈爾維時為明崇禎五年謹識

明史卷三百二十七考證